

րացին, զոր վէճիլնները բերած էին 1607ին, գժտուած էր նաև անոնց հետ և ղէմ ելած անոնց, գիտակցութեամբ Դարանաղցիին:

Դարանաղցի շարունակելով իր խօսքը կ'ըսէ թէ հաւաքուած ժողովուրդը Գրիգոր Կեսարացին լսելէ յետոյ «ասացին սակնեմեան, ահաւասիկ կաւմ առաջի ձեր և ուր ուր կու հրամայիք, պատաստեմք ևս: Եւ եղեալ սեր պատաստեցաք առ ի զնալ, և սասցաք իւրն թէ՛ հրամայե որ երբանք ի միասին: Նա (Կեսարացին) յորմ անկեալ սասց. ես չեմ կարողանայր զնալ ընդ ձեզ, զի վաղնջուց հետէ չեմ զնացեր ի սիւան եւ յայս քագաւորես պարաք չեմ նորեր. ահա Քոթահիացի Յակոբ եպիսկոպոսն եւ Երզնկացի Կարապետ երեցն փոխանակ իմ ընդ ձեզ»:

Հոս իրողութիւն մը երևան կու գայ, որ չափազանց կարևոր է թէ՛ Կ. Պոլսոյ պատրիարքաց պատմութեան և թէ՛ Գրիգոր Կեսարացիի կենսագրութեան տեսակէտով: Ինչպէս կը տեսնուի այս խօսքերէն, իսկական իշխանութիւնը 1605ին անցած էր աշխարհական վէճիլներու ձեռքը և Գրիգոր Կեսարացի ճանչցուած պատրիարք մը չէր: Վէճիլները զայն բերած էին Կ. Պոլսոյ մէջ տիրող բնիկներու և եկուորներու մէջ ծագած վէճերը իր հեղինակու-